

UNIVERZITET U SARAJEVU  
ELEKTROTEHNIČKI FAKULTET U SARAJEVU

Broj: 02-1-3265/12  
Datum: 03.10.2012. godine

Na osnovu člana 196. Pravila Elektrotehničkog fakulteta u Sarajevu – Prečišćeni tekst broj: 01-01-2966/09 od 09.10.2009. godine, a u skladu sa tačkom III Odluke Upravnog odbora Univerziteta u Sarajevu o dodjeli sredstava u svrhu sufinansiranja trećeg ciklusa studija po Bolonjskom sistemu studiranja broj: 02-14-226/12 od 27.02.2012. godine, Dekan Elektrotehničkog fakulteta u Sarajevu donosi

**O D L U K U**

**o kriterijima, uvjetima i postupku dodjele sredstava  
za sufinansiranje trećeg ciklusa studija - doktorski studij u studijskoj 2012/2013. godini**

**I**

Ovom odlukom utvrđuju se kriteriji, uvjeti i postupak dodjele sredstava za sufinansiranje trećeg ciklusa studija - doktorski studij na Elektrotehničkom fakultetu u Sarajevu po Bolonjskom sistemu studiranja za studijsku 2012/2013. godinu.

Sredstva u ukupnom iznosu od od 104.000,00 KM, odnosno 26.000,00 KM po naučnoj oblasti studija, doznačena su Elektrotehničkom fakultetu u Sarajevu Odlukom Upravnog odbora Univerziteta u Sarajevu o dodjeli sredstava u svrhu sufinansiranja trećeg ciklusa studija po Bolonjskom sistemu studiranja broj: 02-14-226/12 od 27.02.2012. godine, a u vezi sa Zaključkom Vlade Kantona Sarajevo broj: 02-05-25921/11 od 29.09.2011. godine.

**II**

Sredstva iz tačke I ove odluke dodjeljivat će se studentima koji steknu uvjet za upis na prvu i drugu godinu trećeg ciklusa studija - doktorski studij na Elektrotehničkom fakultetu u Sarajevu, imaju prosjek predhodnog studija 8,5 i viši, a kojima studij nije finansiran ili sufinansiran iz drugih izvora.

Odluku o dodjeli sredstava donosi Dekan.

**III**

Sredstva iz tačke I ove odluke se raspoređuju na sljedeći način:

- za svaku naučnu oblast dodjeljuju se četiri naknade za sufinansiranje u jednakim iznosima od 6.500,00 KM za studente prve godine dokorskog studija,
- ukoliko na prvoj godini dokorskog studija nema dovoljno kandidata koji su zadovoljili kriterije konkursa sredstva u istom iznosu (6.500,00 KM) se dodjeljuju studentima druge godine studija.

**IV**

Sredstva za sufinansiranje trećeg ciklusa studija - doktorski studij se dodjeljuju nakon objavljivanja internog konkursa na internet stranici Elektrotehničkom fakultetu u Sarajevu u skladu sa sljedećim kriterijima:

- Prednost imaju kandidati koji su ostvarili bolji uspjeh tokom predhodnog studija (koji uključuje: a) uspjeh ostvaren na postdiplomskom magistarskom studiju za kandidate koji su studij završili po pred Bolonjskom sistemu studija, odnosno b) uspjeh ostvaren na drugom ciklusu studija za kandidate koji su studij završili po Bolonjskom sistemu studija).
- U slučaju jednakih prosječnih ocjena prednost imaju kandidati koji su ostvarili veći broj radova rangiranih prema kriterijima za izbor na Univerzitetu u Sarajevu.

## V

Kandidati uz prijavu na interni konkurs moraju dostaviti sljedeće dokumente:

- Uvjerenje o prosjeku ocjena tokom predhodnog studija,
- Objavljene naučne radove prema kriterijima za izbor na Univerzitetu u Sarajevu,
- Ovjerenu izjavu kandidata da mu doktorski studij nije finansiran ili sufinansiran iz drugih izvora.
- Potvrdu firme u kojoj je kandidat zaposlen da firma neće finansirati ili sufinansirati školovanje kandidata.

Tražena dokumentacija se dostavlja u originalu ili ovjerenoj kopiji i ne vraća se kandidatima.

## VI

Elektrotehnički fakultet u Sarajevu će u roku od 3 (tri) dana od dana zatvaranja internog konkursa, nakon provedenog postupka vrednovanja kandidata, objaviti preliminarnu rang-listu kandidata koji su ostvarili pravo na dodjelu sredstva za sufinansiranje trećeg ciklusa studija - dokorskog studija.

Na preliminarnu rang-listu kandidati mogu uputiti pismeni prigovor Dekanu u roku od 3 (tri) dana od dana objavljivanja iste.

Konačnu odluku o dodjeli sredstva za sufinansiranje trećeg ciklusa studija - dokorskog studija donosi Dekan.

## VII

Odluka stupa na snagu danom donošenja, a primjenjivat će se počev od studijske 2012/2013. godine.



DEKAN

Red. prof. dr. Narcis Behlilović

Dostaviti:

1. Dekan
2. Prodekan za nastavu
3. Studentska služba
4. Oglasna ploča
5. a/a